

古卷三二

魏

晉上

魏

石倉十二代詩選

古卷之二

魏四言詩

明候官曹學佺選

曹武帝

對酒當歌人生幾何譬如朝露去日苦多慨當
以慷憂思難忘何以解憂惟有杜康青青子衿
悠悠我心但爲君故沈吟至今呦呦鹿鳴食野
之苹我有嘉賓鼓瑟吹笙明明如月何時可掇
憂從中來不可斷絕越陌度阡枉用相存契濶

談讌心念舊恩月明星稀烏鵲南飛繞樹三匝
無枝可依山不厭高海不厭深周公吐哺天下
歸心

步出東西門行

東臨碣石以觀滄海水河澹澹山島竦峙樹木
叢生百草豐茂秋風蕭瑟洪波湧起日月之行
若出其中星漢燦爛若出其裏幸甚至哉歌以

詠志

右觀滄海

孟冬十月北風徘徊天氣肅清繁霜霏霏鷓雞

晨鳴鴻雁南飛鷺鳥潛藏熊羆窟栖錢罇停置
農收積場逆旅整設以通賈商幸甚至哉歌以

詠志

右冬十月

鄉土不同河朔隆寒流澌浮漂舟船行難雖不
入地豐籟深奧水竭不流水堅可蹈士隱者貧
勇俠輕非心常歎怨戚戚多悲幸甚至哉歌以

詠志

右土不同

神龜雖壽猶有竟時騰蛇乘霧終為土灰老驥
伏櫪志在千里烈士暮年壯心未已盈縮之期

歷代詩選 魏詩
不但在天養怡之福可得永年幸甚至哉歌以
詠志
右龜雖壽

文帝短歌行

仰瞻帷幕俯察几筵其物如故其人
不存神虛倏忽弃我遐遷靡瞻靡恃
泣涕連連呦呦遊鹿銜草鳴鹿翩翩
飛鳥挾子巢栖我獨孤犖懷此百離
憂心孔疚莫能我知人亦有言憂令人
老嗟我白髮生一何早長吟永歎懷我
聖老日仁者壽胡不是保

善哉行

上山采薇薄暮苦飢谿谷多風霜露沾衣野雉
羣雛猿猴相追還望故鄉鬱何壘壘高山有崖
林木有枝憂來無方人莫之知人生如寄多憂
何爲今我不樂歲月如馳湯湯川流中有行舟
隨波轉薄有似客遊策我良馬被我輕裘載馳
載驅聊以忘憂

有美一人婉如清揚妍姿巧笑和媚心腸知音
識曲善爲樂方哀絃微妙清氣含芳流鄭激楚

度宮中商感心動耳綺麗難忘離鳥夕宿在彼
中洲延頸鼓翼悲鳴相求眷然顧之使我心愁
嗟爾昔人何以忘憂

曹植閨情

有美一人被服織羅妖姿艷麗芬若春華紅顏
鞞擘雲髻嗟峨彈琴撫節爲我絃歌清濁齊均
既亮且和取樂今日遑恤其他

王粲贈蔡子篤詩

翼翼飛鸞載飛載東我友云徂言戾舊邦舫舟

翩翩以沂大江蔚矣荒塗時行靡通慨我懷慕
君子所同悠悠世路亂離多阻濟岱江行邈
焉異處風流雲散一別如雨人生實難願其弗
與瞻望遐路允企伊佇烈烈冬日蕭蕭淒風
潛鱗在淵歸雁在軒苟非鴻鵬孰能飛翻雖則
追慕予思岡宣瞻望東路慘愴增歎

贈士孫文始

天降喪亂靡國不夷我暨我友自彼京師宗守
盪失越用遁違遷于荆楚在漳之潛亦克晏處

和通荒墟比德車輔既度禮義卒獲笑語庶茲
 永日無讟厥緒惟彼南汜君子居之悠悠我心
 薄言慕之人亦有言靡日不思晨風夕逝託與
 之期悠悠澹澹鬱鬱彼唐林雖則同域邈其迥深
 白駒遠志古人所箴允矣君子不遐厥心

贈文叔良

翩翩者鴻率彼江濱君子于征爰聘西隣臨此
 洪渚伊思梁岷爾行孔邈如何勿勤 君子敬
 始慎爾所主謀言必賢錯說申輔延陵有作僞

盼是與先民遺跡來世之矩 既慎爾主亦迺

知幾探情以華覩著知微視明聽聰靡事不惟
 董褐荷名胡寧不師 衆不可蓋無尚我言梧
 宮致辯齊楚構患成功有要在衆思歡人之多
 忌掩之實難 瞻彼黑水滔滔其流江漢有卷
 允來厥休緬彼行人鮮克弗留惟詩作贈敢詠
 在舟容與

稽康贈秀才入軍十三首

鴛鴦于飛蕭蕭其羽朝遊高原夕宿蘭渚邕邕

和鳴顧眄儔侶俛仰慷慨優游容與
鴛鴦于飛嘯侶命儔朝遊高原夕宿中洲交頸
振翼容與清流咀嚼蘭蕙俛仰優游
泳彼長川言息其滸陟彼高岡言刈其楚嗟我
征邁獨行踽踽仰彼凱風滂沱如雨
泳彼長川言息其汜陟彼高岡言刈其札嗟我
獨征靡瞻靡恃仰彼凱風載坐載起
穆穆惠風扇彼輕塵奕奕素波轉此游鱗伊我
之勞有懷佳人寤言永思實鍾所親

所親安在舍我遠邁弃此菘芷襲彼蕭艾雖曰
幽深豈無顛沛言念君子不遐有害
良馬旣閑麗服有暉左攬繁弱右接忘歸風馳
電逝躡景追飛凌厲中原顧盼生姿
携我好仇載我輕車南凌長阜北厲清渠仰落
驚鴻俯引淵魚盤于游田其樂只且
凌高遠盼俯仰咨嗟怨彼幽縶邈爾路遐雖有
好音誰與清歌雖有姝顏誰與發華仰訊高雲
俯托輕波乘流遠遁抱恨山阿

輕車迅邁息彼長林春木載榮布葉垂陰習習
 谷風吹我素琴交交黃鳥顧儔弄音感悟馳情
 思我所欽心之憂矣永如幽吟
 浩浩洪流帶我邦畿萋萋綠林奮榮揚暉魚龍
 纔潛山鳥羣飛駕言出遊日夕忘歸思我良朋
 如渴如飢願言不獲愴矣其悲
 息徒蘭圃秣馬華山流磻平臯垂綸長川目送
 歸鴻手揮五絃俯仰自得游心太玄嘉彼釣叟
 得魚忘筌郢人逝矣誰與盡言

閒夜肅清朗月照軒微風動桂組帳高褰旨酒
 盈樽莫與交歡鳴琴在御誰與鼓彈仰慕同趣
 其馨若蘭佳人存能不永歎

酒會三首

淡淡流水淪胥而逝汎汎栢舟載浮載滯微嘯
 清風鼓楫容裔放棹投竿優游卒歲
 婉彼鴛鴦戢翼而遊俯喑綠藻託身洪流朝翔
 素瀨夕棲虛洲搖蕩清波與之沈浮
 流詠蘭池和聲激朗操縵清商遊心大象傾昧

歷代詩選 魏詩
修身惠音遺響鍾期不存我志誰賞

魏五言古詩 內篇

武帝苦寒行

北上太行山艱哉何巍巍羊腸阪詰曲車輪爲
之摧樹木何蕭瑟北風聲正悲熊羆對我蹲虎
豹夾路啼谿谷少人民雪落何霏霏延頸長歎
息遠行多所懷我心何怫鬱思欲一東歸水深
橋梁絕中路正徘徊迷惑失故路薄暮無宿棲
行行日已遠人馬同時飢擔囊行取薪斧冰持

作糜悲彼東山詩悠悠使我哀

却東西門行

鴻雁出塞北乃在無人鄉舉翅萬里餘行止自
成行冬節食南稻春日復北翔田中有轉蓬隨
風遠飄揚長與故人絕萬歲不相當奈何此征
夫安得去四方戎馬不解鞍鎧甲不離傍冉冉
老將至何時返故鄉神龍藏深泉猛獸步高岡
狐死歸首丘故鄉安可忘

魏文帝於譙作

清夜延貴客明燭發高光豐膳漫星陳旨酒盈
玉觴絃歌奏新曲游響拂丹梁餘音赴迅節慷
慨時激揚獻酬紛交錯雅舞何鏘鏘羅纓從風
飛長劔自低昂穆穆衆君子和合同樂康

芙蓉池作

乘輦夜行遊逍遙步西園雙渠相溉灌嘉木繞
通川卑枝拂羽蓋脩條摩蒼天驚風扶輪轂飛
鳥翔我前丹霞夾明月華星出雲間上天垂光
彩五色一何鮮壽命非喬松誰能得神仙遨遊

快心意保已終百年

於玄武陂作

兄弟共行遊驅車出西城野田廣開闢川渠互
相經黍稷何鬱鬱流波激悲聲菱芡覆綠水芙
蓉發丹榮柳垂重陰綠向我池邊生乘渚望長
洲羣鳥歡譁鳴萍藻汎濫浮澹澹隨風傾忘憂
共容與暢此千秋情

雜詩二首

漫漫秋夜長烈烈北風涼展轉不能寐披衣起

彷徨彷徨忽已久白露沾我裳俯視清水波仰
看明月光天漢回西流三五正縱橫草蟲鳴何
悲孤雁獨南翔鬱鬱多悲思綿綿思故鄉願飛
安得翼欲濟河無梁向風長歎息斷絕我中
西北有浮雲亭亭如車蓋惜哉時不遇適與飄
風會吹我東南行行行至吳會吳會非我鄉安
得久留滯弃置勿復陳客子常畏人

明帝種瓜篇

種瓜東井上冉冉自踰垣與君為新婚瓜葛相

結連寄託不出軀有如倚泰山兔絲無根株蔓
延自登緣萍藻託清流常恐身不全被蒙丘山
惠賤妾執拳拳天日照知之想君亦俱然

陳思王薤露行

天地無窮極陰陽轉相因人居一世間忽若風
吹塵願得展功勤輸力于明君懷此王佐才慷
慨獨不羣鱗介尊神龍走獸宗麒麟蟲獸猶知
德何況于士人孔氏剛詩書王業燦已分騁我
徑寸翰流藻垂華芬

吁嗟篇

吁嗟此轉蓬居世何獨然長土本根逝宿夜無
休閒東西經七陌南北越九阡卒遇回風起吹
我入雲間自謂終天路忽然下沈泉宕宕當何
依忽亡而復存飄颻周八澤連翩歷五山流轉
無恒處誰知我苦艱願爲中林草秋隨野火燔
糜滅豈不痛願與根荄連

蒲生行浮萍篇

浮萍寄清水隨風東西流結髮辭嚴親來爲君

子仇恪勤在朝夕無端獲罪尤在昔蒙恩惠和
樂如瑟琴何意今摧頽曠若商與參茱萸自有
芳不若桂與蘭新人雖可愛無若故所歡行雲
有反期君恩儻中還慊慊仰天歎愁心將何懃
日月不恒處人生忽若寓悲風來入懷淚下如
垂露發篋造裳衣裁縫統與素

筮篥引

置酒高殿上親友從我遊中厨辦豐膳烹羊宰
肥牛秦箏何慷慨齊瑟和且柔陽阿奏奇舞京

洛出名謳樂飲過三爵緩帶傾庶羞主稱千金
壽賓奉萬年酬久要不可忘薄終義所尤謙謙
君子德馨折欲何求驚風飄白日光景馳西流
盛時不可再百年忽我適生存華屋處零落歸
山丘先民誰不死知命復何憂

門有萬里客

門有萬里客問君何鄉人寒裳起從之果得心
所親挽裳對我泣太息前自陳本是朔方士今
爲吳越民行行將復行去去適西秦

怨詩行

明月照高樓流光正徘徊上有愁思婦悲歎有
餘哀借問歎者誰言是蕩子妻夫行踰十載賤
妾常獨棲念君過于渴思君劇于飢君若清路
塵妾爲濁水泥浮沈各異路會合何時諧願爲
西南風長送入君懷君懷常不開賤妾當何依

美女篇

美女妖且閒採桑岐路間柔條紛冉冉落葉何
翩翩攘袖見素手皓腕約金環頭上金爵釵腰

佩翠琅玕明珠交玉體珊瑚間木難羅衣何飄
颯輕車隨風還顧盼遺光采長嘯氣若蘭行徒
用息駕休者以忘殮借問女安居乃在城南端
青樓臨大路高門結重關容華耀朝日誰不希
令顏媒氏何所營玉帛不時安佳人慕高義求
賢良獨難衆人徒嗷嗷安知彼所觀盛年處房
室中夜起長歎

贈徐幹

驚風飄白日忽然歸西山圓景光未滿衆星燦

以繁志士營世業小人亦不閒聊且夜行遊游
彼雙闕間文昌鬱雲興迎風高中天春鳩鳴飛
棟流飈激櫺軒顧念蓬室士貧賤誠足憐薇藿
弗充虛被褐猶不全慷慨有悲心與文自成篇
寶弃怨何人和氏有其愆彈冠俟知己知己誰
不然良田無晚歲膏澤多豐年亮懷璠璣美積
久德愈宜親交誼在敦申章復何言

贈丁儀

初秋涼氣發庭樹微銷落凝霜依玉除清風飄

飛閣朝雲不歸山霖雨成川澤黍稷委疇隴農
夫安所獲在貴多忘賤為恩誰能博狐白足禦
冬焉念無衣客思慕延陵子寶劍非所惜子其
寧爾心親交義不薄

贈王粲

端坐苦愁思攬衣起西游樹木發春華清池激
長流中有孤鶩鴛鴦哀鳴求匹儔我願執此鳥惜
哉無輕舟欲歸忘故道顧望但懷愁悲風鳴我
側義和逝不留重陰潤萬物何懼澤不周誰令

君多念自使懷百憂

謝公宴詩

公子敬愛客終宴不知疲清夜遊西園飛蓋相
追隨明月澄清影列宿正參差秋蘭被長坂朱
華冒綠池潛魚躍清波好鳥鳴南枝神飈接丹
轂輕輦隨風移飄颻放志意千秋長若斯

贈白馬王虎序曰黃初四年正月白馬王

任城王與余俱朝京師會節氣到洛陽
任城王薨至七月與白馬王還國後有

司以二王歸蕃道路宜異宿止意毒恨
之蓋以大別在數日是用自剖與王辭

馬憤而成篇

謁帝承明廬逝將歸舊疆清晨發皇邑日夕過
首陽伊洛廣且深欲濟川無梁汎舟越洪濤怨
彼東路長顧瞻戀城關引領情內傷

太谷何寥廓山樹鬱蒼蒼霖雨泥我塗流潦浩
縱橫中達絕無軌改轍登高岡脩坂造雲日我
馬玄以黃

玄黃猶能進我思鬱紆將何念親愛在
離居本圖相與偕中更不克俱鳴臬鳴衡輓豺
狼當路衢蒼蠅間白黑讒巧反親踈欲還絕無
蹊攬轡止踟躕

踟躕亦何留相思無終極秋風發微涼寒蟬鳴
我側原野何蕭條白日忽西匿歸鳥赴喬林翩
翩厲羽翼孤獸走索羣銜草不遑食感物我懷
撫心長太息

太息將何為天命與我違奈何念同生一往形

不歸孤魂翔故域靈柩寄京師存者忽復返亡
沒身自哀人生處一世去若朝露晞年在桑榆
間影響不能追自顧非金石咄嗟令心悲
心悲動我神弃置莫復陳丈夫志四海萬里猶
比鄰恩愛苟不虧在遠分日親何必同衾幃然
後展殷勤憂思成疾痲無乃兒女仁倉卒骨肉
情能不懷苦辛

苦辛何思慮天命信可疑虛無求列仙松子久
吾欺變故在斯須百年誰能持離別永無會執
手將何時王其愛玉體俱享黃髮期收淚卽長
路援筆從此辭

雜詩

平氣雜詩
志公小入
秋自
四
管
不
寒
甘

高臺多悲風朝日照北林之子在萬里江湖迥
且深方舟安可極離思故難任孤雁飛南游過
庭長哀吟翹思慕遠人願欲托遺音形影忽不
見翩翩傷我心

轉蓬離本根飄飄隨長風何意迴飈舉吹我入
雲中高高上無極天路安可窮類此游客子捐

軀遠從戎毛褐不掩形薇蕨常不充去去莫復
道沈憂令人老

南國有佳人容華若桃李朝遊江北岍夕宿瀟
湘止時俗薄朱顏誰爲發皓齒俛仰歲將暮榮
羅難久恃
飛觀百餘尺臨牖御橨軒遠望周千里朝夕見
平原烈士多悲心小人媮自閒國讐亮不塞甘
心思喪元拊劍西南望思欲赴太山絃急悲聲
發聆我慷慨言

攬衣出中閨迢遙步兩楹閒房何寂莫綠草被
階庭空室自生風百鳥翩南征春思安可忘憂
戚與我并佳人在遠道妾身单且竢歡會難再
遇芝蘭不重榮人皆弃舊愛君豈若平生寄松
爲女蘿依水如浮萍齋身奉衿帶朝夕不墮傾
儻終顧盼恩永懷我中情

王粲公讌詩

昊天降豐澤百卉挺葳蕤涼風撤蒸暑清雲却
炎暉高會君子堂竝立蔭華榭嘉肴充圓方旨

酒盈金罍管絃發徽音曲度清且悲合坐同所
樂但慙杯行遲常聞詩人語不醉且無歸今日
不極歡含情欲待誰

詠史詩

自古無殉死達人所共知秦穆殺三良惜哉空
爾爲結髮事明君受恩良不訾臨歿要之死焉
得不相隨妻子當門泣兄弟哭路陲臨穴呼蒼
天涕下如縷縻人生各有志終不爲此移同知
埋身劇心亦有所施生爲百夫雄死爲壯士規
黃鳥作哀詩至今聲不虧

雜詩

日暮遊西園冀寫憂思情曲池揚素波列樹敷
丹榮上有特栖鳥懷春向我鳴褰袵欲從之路
險不得征徘徊不能去佇立望爾形風飈揚塵
起白日忽已冥回身入空房託夢通精誠人欲
天不違何懼不合彜

七哀詩

西京亂無象豺虎方遘患復奔中國去委身適

荆蠻親戚對我悲朋友相追攀出門無所見白骨蔽平原路有飢婦人抱子弃草間顧聞號泣聲揮涕獨不還未知身死處何能兩相完驅馬弃之去不忍聽此言南登灞陵岍回首望長安悟彼泉下人喟然傷心肝
荆蠻非我鄉何爲久滯淫方舟泝大江日暮愁我心山岡有餘映巖阿增重陰狐狸馳赴穴飛鳥翔故林流波激清響猿猴臨岍吟迅風拂裳袂白露沾衣襟獨夜不能寐攝衣起撫琴絲桐

感人情爲我發悲音羈旅無終極憂思壯難忍邊城使心悲昔吾親更之冰雪截肌膚風飄無止期百里不見人草木誰當遲登城望亭隄翩翩飛戍旗行者不顧返出門與家辭子弟多俘虜哭泣無已時天下盡樂土何爲久留茲蓼蟲不知辛去來勿與諮

陳琳游覽詩

高會時不娛羈客難爲心殷懷從中發悲感激清音投觴罷歡坐迢遙步長林蕭蕭山谷風默

默天路陰惆悵忘旋反歔歔涕沾襟

節運時氣舒秋風涼且清閒居心不娛駕言從

友生翱翔戲長流迢迢登高城東望看疇野廻

顧覽園庭嘉木凋綠葉芳草織紅榮騁哉日月

逝年命將西傾建功不及時鐘鼎何時銘收念

還房寢慷慨詠墳經庶幾及君在立德垂功名

徐幹情詩

高殿鬱崇崇廣厦凄泠泠微風起閨闈落日照
階庭踟躕雲屋下笑歌倚華楹君行殊不返我

飾為誰榮鑪熏闔不用鏡匣上塵生綺羅失常

色金翠暗無精嘉肴既忘御旨酒亦常停顧瞻

空寂寂惟聞燕雀聲憂思連相屬中心如宿醒

劉楨公讌詩

永日行遊戲歡樂猶未央遺思在玄夜相與復

翱翔輦車飛素蓋從者盈路傍月出照園中珍

木鬱蒼蒼清川過石渠流波為魚防芙蓉散其

華茵蒼溢金塘靈鳥宿水裔仁獸遊飛梁華館

寄流波豁達來風涼生平未始聞歌之安能詳

歷代詩選 卷之三
投翰長歎息綺麗不可忘

贈徐幹

誰謂相去遠隔此西掖垣
拘限清切禁中情無由宣
思子沈心曲長歎不能言
起坐失次第一日三四遷
步出北寺門遙望西苑園
細柳夾道生方塘含清源
輕葉隨風轉飛鳥何翩翩
乘人易感動涕下與衿連
仰視白日光皦皦高且懸
兼燭八紘內物類無頗偏
我獨抱深感不得與此焉

雜詩

職事相填委文墨紛消散
馳翰未暇食日晏不知晏
沈迷簿領書回回見昏亂
釋此出西城登高且遊觀
方塘含白水中有鳧與雁
安得肅肅羽從爾遊波瀾

應瑒侍五官中郎將建章臺集詩

朝雁鳴雲中音響一何哀
問子遊何鄉戢戢翼正徘徊
言我塞門來將就衡陽栖
往春翔北土今冬客南淮
遠行蒙霜雪毛羽日摧頽
常恐傷肌

骨身隕沈黃泥簡珠墜沙石何能中自諧欲因
 雲雨會濯翼陵高梯良遇不可值伸眉路何階
 公子愛敬客樂飲不知疲和顏既已暢乃肯顧
 細微贈詩見存慰小子非所宜且為極歡情不
 醉其無歸凡百敬爾位以副飢渴懷

雜詩

臨川多悲風秋日苦清涼客子易為戚感此用
 哀傷攬衣起躑躅上觀心與房三星守故次明
 月未收光雞鳴當何時朝晨尚未央還坐長歎

息離憂未可忘

繁欽蕙詠

蕙草生山北託命失所依值根陰厓側夙夜懼
 危頽寒泉浸我根淒風常徘徊三光照八極獨
 不蒙餘暉葩葉永凋悴凝露不暇晞百草皆含
 榮已獨失時姿比我英芳發鸚鵡鳴已哀

嵇康遊仙詩

遙望山上松隆谷鬱青葱自遇一何高獨立迥
 無雙願想遊其下蹊路絕不通王喬弃我去乘

雲駕六龍飄颻戲玄圃黃老路相逢授我自然
道曠若發童蒙采藥鍾山隅服食改姿容蟬蛻
弃穢累結友家板桐臨觴奏九韶雅歌何邕邕
長與俗人別誰能覩其蹤

述志詩

潛龍育神軀濯鱗戲蘭池延頸慕大庭寢足俟
皇羲慶雲未垂景盤桓朝陽波悠悠非吾匹疇
肯應俗宜殊顛難徧周鄙議紛流離輶軻丁悔
吝雅志不得施耕耨感甯越馬席激張儀逝將

離羣侶杖策追洪厓

斥鷃擅蒿林仰笑神鳳飛坎井蝮蛭宅神龜安
所歸恨自用身拙任意多永思何爲人間事自
令心不夷慷慨思古人夢想見容輝願與知己
遇舒憤啓其微岩穴多隱逸輕舉求吾師晨登
箕山巔日夕不知飢玄居養營魄千載長自綏

阮籍詠懷

夜中不能寐起坐彈鳴琴薄帷鑒明月清風吹
我襟孤鴻號外野翔鳥鳴北林徘徊將何見憂

思獨傷心

二妃遊江濱迢遙順風翔交甫懷環珮媿變有
芬芳倚靡情歡愛千載不相忘傾城迷下蔡容
好結中腸感激生憂思萱草樹蘭芳膏沐爲誰
施其雨怨朝陽如何金石交一旦更離傷
嘉樹下成蹊東園桃與李秋風吹飛藿零落從
此始繁華有憔悴堂上生荆杞驅馬舍之去去
上西山趾一身不自保何況戀妻子凝霜被野
草歲暮亦云已

天馬出西北由來從東道春秋非有託富貴焉
常保清露被皐蘭凝霜沾野草朝爲媚少年夕
暮成醜老自非王子晉誰能常美好

平生少年時輕薄好絃歌西遊咸陽中趙李相
經過娛樂未終極白日忽蹉跎驅馬復歸來反
顧望三河黃金百鎰盡資用良苦多北臨太行
道失路將如何
灼灼西墮日餘光照我衣迴風吹四壁寒鳥相
因依周周尚銜羽蛩蛩亦念飢如何當路子磬

歷代詩選
魏詩
折忘所歸豈爲夸虛名
憔悴使心悲
寧與燕雀
翔不隨黃鵠
飛黃鵠遊四海
中路將安歸
湛湛長江水上
有楓樹林
臯蘭被徑路
青驪逝
駸駸遠望
令人悲
春氣感我心
三楚多秀士
朝
雲進荒淫
朱華振芬芳
高蔡相追尋
一爲黃雀
哀淚下
誰能禁

昔年十四五
志尚好詩書
被褐懷珠玉
顏閔相
與期開軒臨四野
登高望所思
丘墓蔽山岡
萬
代同一時
千秋萬歲後
榮名安所之
乃悟羨門
子嗷嗷
今自嗤

徘徊蓬池上
還顧望大梁
綠水揚洪波
曠野奔
茫茫走獸交
橫馳飛鳥相隨翔
是時鶉火中
日
月正相望
朔風厲嚴寒
陰氣下微霜
羈旅無儔
匹俛仰懷哀傷
小人計其功
君子蹈其常
豈惜
終憔悴
詠言著斯章

駕言發魏都
南向望吹臺
簫管有遺音
梁王安
在哉
戰士食糟糠
賢者處蒿萊
歌舞曲未終
秦
兵已復來
夾林非吾有
朱宮生塵埃
軍敗華陽

下身竟爲土灰
塞門不可出海水焉可浮朱明不想丸奄昧獨
無侯持爪思東陵黃雀誠獨羞失勢在須臾帶
劍上吾丘悼彼飛隼子涕下自交流假乘汧涓
間鞍馬去行遊
林中有奇鳥自言是鳳皇清朝飲灋泉日夕栖
山岡高鳴徹九州延頸望八荒適逢商王起羽
翼自摧藏一去崑崙西何時復廻翔但恨處非
位愴恨使心傷

出門望佳人佳人豈在茲三山招松喬萬世誰
與期存亡有長短慷慨將焉知忽忽朝日隕行
行將何之不見季秋草摧折在今時

魏五言古詩

外篇

魏皇后塘上行

蒲生我池中其葉何離離傍能行仁義莫若妾
自知衆口鑠黃金使君生別離念君去我時獨
愁常苦悲想見君顏色感結傷心脾念君常苦
悲夜夜不能寐莫以豪賢故弃捐素所愛莫以

魚肉賤弃捐葱與薤莫以麻泉賤弃捐管與蒯
出亦復苦愁入亦復苦愁邊地多悲風樹木何
條條從軍致獨樂延年壽千秋

曹植野田黃雀行

高樹多悲風海水揚其波利劍不在掌結友何
須多不見離間雀見鷁自投羅羅家得雀喜少
年見雀悲拔劍抽羅網黃雀得飛飛飛摩蒼
天來下謝少年

繁欽定情詩

我出東門遊邂逅承清塵思君卽幽房侍寢執
衣巾時無桑中契迫此路側人我旣媚君姿君
亦悅我顏何以致拳拳縮臂翫羽衣何以致殷
勤約指一雙銀何以致區區耳墜悲胡珠何以
致叩叩香囊繫肘後何以致契濶繞腕雙跳脫
何以結恩情美玉綴羅英何以結中心素縷連
雙鍼何以結相私金箔畫搔頭何以慰別離耳
後玳瑁釵何以答歡悅紈素三條裾何以結愁
悲白絹雙中衣與我期何所乃在東山隅日肝

今不來谷風兮吹襦遠望無所見滄泣起踟躕
與我期何所乃期山南陽日中兮不來飄風吹
我裳迢迢莫誰覩望君愁我腸與我期何所乃
在西山側日夕兮不來躑躅長太息遠望涼風
至俯仰正衣服與我期何所乃期北山岑日暮
兮不來凄風吹我襟望君不能坐悲苦愁我心
愛身何所爲惜我華色時中情旣欸欸然後尅
密期寒衣躡茂草謂君不我欺厠此醜陋質徒
倚無所之自傷失所欲淚下如連絲

魏七言歌行

魏文帝燕歌行

秋風蕭瑟天氣涼草木搖落露爲霜羣燕辭歸
雁南翔念君客遊思斷腸慊慊思歸戀故鄉君
何淹留寄他方賤妾竢竢守空房憂來思君不
敢忘不覺淚下沾衣裳援琴鳴絃發清商短歌
微吟不能長明月皎皎照我牀星漢西流夜未
央牽牛織女遙相望爾獨何辜限河梁
別日何易會日難山川悠遠路漫漫鬱陶思君

未敢言寄書浮雲往不還涕零雨面毀形顏誰
能懷憂獨不歎展詩清歌聊自寬樂往哀來摧
心肝耿耿伏枕不能寐披衣出戶步東西悲風
清厲秋氣寒羅幃徐動經秦軒仰戴星月觀雲
間飛鳥晨鳴聲可憐留連顧懷不自存

明帝燕歌行

白日晼晼忽西傾霜露慘慘塗階庭秋草捲葉
摧枝莖翩翩飛蓬常獨征有似遊子不安寧

陳琳飲馬長城窟行

將進酒 甲辰值中懷鬱邁偶與諸同人會飲

大醉做樂府作將進酒之歌以侑杯酌

四座勿誼且閉口聽我一歌將進酒杜康死矣

像秋物當時釀法已無有又聞東麓弔青蓮相

對何人酌大斗妙理誰知歸既醉到齊止馬煩

分割盤盃清淨供藜藿山珍海錯何足取席貴

將按典刑存三騶能飲皆朋友天教景物媚斯

人依然風月到花柳功名富貴讓撻足枝指自

許生駢拇君不見海上仙方不可得昨日紅顏

今老醜一朝意氣有嗔皆膝前兒女成敵手杯

中此物且陶然怪得人稱掃愁帚何須更待秋

稽太

格闔

千里

女嘴

星火

馬鼎

未敢言寄書浮雲往不還涕零雨面毀形顏誰
能懷憂獨不歎展詩清歌聊自寬樂往哀來摧
心肝耿耿伏枕不能寐披衣出戶步東西悲風
清厲秋氣寒羅幃徐動經秦軒仰戴星月觀雲
間飛鳥晨鳴聲可憐留連顧懷不自存

明帝燕歌行

白日晻晻忽西傾霜露慘慘塗階庭秋草捲葉
摧枝莖翩翩飛蓬常獨征有似遊子不安寧

陳琳飲馬長城窟行

飲馬長城窟水寒傷馬骨往謂長安吏勿稽太
原卒官作自有程舉築詣汝聲男兒寧當格鬪
死何能怫鬱築長城長城何連連連連三千里
邊城多健少內舍多寡婦生男慎莫舉生女粥
用哺君獨不見長城下死人骸骨相撐拄

守進百詩選
歷代詩選
晉書
玄漢將抽厥緒先民有作貽我高矩
雖有淑姿放心縱逸出般于游居多暇日如彼
梓材弗勤丹漆雖勞樸斲終負素質
安心恬蕩棲志浮雲體之以質彪之以文如彼
南畝力未既勤蔗蓂致功必有豐殷
水積成川載瀾載清土積成山歆蒸鬱冥山不
讓塵水不辭盈勉爾含弘以隆德聲

晉 門有車馬客行

門有車馬客問君何鄉士捷步往相訊果是舊
隣里語昔有故悲論今無新喜清晨相訪感日
暮何能已詞端競未究忽唱分途始前悲尚未
弭後憂方復起

劉 游俠篇

翩翩四公子濁世稱賢名龍虎相交爭七國竝
抗衡食客三千餘門下多豪英遊說朝夕至辯
士自縱橫孟嘗東出關濟身由雞鳴信陵西友
魏秦人不窺兵趙信南詛楚乃與毛遂行黃歇
北適秦太子還入荆美哉游俠士何以尚四卿

歷代詩選 晉詩
我則異于是好古師老彭

博陵王宮俠曲

俠客樂幽險築室窮山陰
燎獵野獸稀施網川
無禽歲暮飢寒至慷慨頓足吟
窮令壯士激安能懷苦心
干將坐自拭繁弱控餘音
耕佃窮淵陂種粟著劔鐔
收秋狹路間一擊重千金
棲遲熊羆穴容與虎豹林
身在法令外縱逸常不

壯士篇

天地相震蕩回薄不知窮
人物稟常格有始必

有終年時俛仰過功名
宜速崇壯士懷憤激
安能守虛冲乘我大宛馬
撫我繁弱弓長劔橫九
野高冠拂玄穹慷慨成
素霓嘯咤起清風
震响駭八荒奮威曜
四戎濯鱗滄海畔
馳騁大漠中獨步聖明世
四海稱英雄

蕭史曲

蕭史愛長年羸女
彘童顏火粒願排
弃霞霧好登攀
龍飛逸天路鳳起
出秦關身去長不
返簫聲時往還

答何劭

吏道何其迫窘然坐自拘纓綬爲徽繆文獻爲
可踰恬曠苦不足煩促每有餘良朋貽新詩示
我以遊娛穆如灑清風煥若春華敷自昔同寮
案于今北園廬衰疾近辱殆庶幾企懸輿散髮
重陰下抱杖臨清渠屬耳聽鶯鳴流日翫鯨魚
從容養餘日聚樂于桑榆

洪鈞陶萬類大塊稟羣生明闇信異姿靜躁亦
殊形自余及有識志不在功名虛恬竊所好文

學少所經忝荷旣過任白日已西傾道長苦智
短責重困才輕周任有遺規其言明且清負乘
爲我戒夕惕坐自驚是用感嘉貺寫心出中誠
發篇雖溫麗無乃違其情

駕言歸外庭放志永棲遲相伴步園疇春草鬱
鬱滋榮觀雖盈日親友莫與偕悟物增隆思結
戀慕同儕援翰屬新詩永懷有餘懷

情詩

清風動帷簾晨月照幽房佳人處遐遠蘭室香

歷代詩選 晉詩
容光襟懷擁虛景輕衾覆空牀居歡惜夜促在
戚怨宵長拊枕獨歎歎感慨心內傷

遊目四野外迢遙獨延佇蘭蕙緣清渠繁華蔭
綠渚佳人不在茲取此欲誰與巢居知風寒穴
處識陰雨不曾遠別離安知慕儔侶

北方有佳人端坐鼓鳴琴終晨撫管絃日夕不
成音憂來結不解我思存所欽君子尋行役幽
妾懷苦心初爲三載別于今久滯淫昔邪生戶
牖庭內自成陰翔鳥鳴翠偶草蟲相和吟心悲

易感激俛仰淚流襟願託晨風翼束帶侍

衾衣

明月曜清景曦光照玄墀幽人守靜夜迴身入
空帷束帶俟將朝廓落晨星稀假寐交精爽覲
我佳人姿巧笑媚歡靨聯娟眸與眉寤言增長
歎淒然心獨悲

君居北海陽妾在江南陰懸邈極脩途山川阻
且深承歡注隆愛結分投所欽銜恩篤守義萬
里託微心

雜詩

歷代詩選

晉詩

古卷之三

五

俊

歷代詩選 晉詩
晷度隨天運四時互相承東壁正昏中酒陰寒
節升繁霜降當夕悲風中夜興朱火青無光蘭
膏坐自凝重衾無煖氣挾纒如懷冰伏枕終遙
夕寤言莫予應永思慮崇昔慨然獨拊膺
逍遙遊春空容與綠池阿白蘋開素葉朱草茂
丹華微風搖蒹若增波動芰荷榮彩曜中林流
馨入綺羅王孫遊不歸脩路邈以遐誰與翫遺
芳佇立獨咨嗟
荏苒日月運寒暑忽流易同好逝不存迢迢遠

離析房櫳自來風戶庭無行迹蒹葭生牀下蛛
蝥網四壁懷思豈不隆感物重鬱積遊雁北翼
翔歸鴻知接嗣來哉彼君子無愁徒自隔

擬古

松生隴阪上百尺下無枝東南望河尾西北隱
崑崖剛氣振山籟朋鳥夜驚離悲涼貫年節葱
翠恒若斯安得草木心不怨寒暑移

招隱

棲遲四野外陸沈背當時循名掩不著藏器待

歷代詩選 晉詩 九
無期義和策六龍弭節越崦嵫盛年俛仰過忽
若振輕絲

傳玄

字休奕北地泥陽人

短歌行

長安高城層樓亭亭干雲四起上貫天庭蟬蛸
何整行如軍征蟋蟀何感中夜哀鳴蚍蜉愉樂
粲粲其榮寤寐念之誰知我情昔君視我如掌
中珠何意一朝弃我溝渠昔君與我如形如影
何意一去心如流星昔君與我兩心相結何意

今日忽然兩絕

豫章行苦相篇

苦相身為女卑陋難再陳男兒當門戶墜地自
生神雄心志四海萬里望風塵女育無欣愛不
為家所珍長大逃深室藏頭羞見人垂淚適他
鄉忽如雨絕雲低頭和顏色素齒結朱唇跪拜
無復數婢妾如嚴賓情合同雲漢葵藿仰陽春
心乖甚水火百惡集其身玉顏隨年變丈夫多
好新昔為形與影今為胡與秦胡秦時相見一

絕踰參辰

飲馬長城窟行

青青河邊草悠悠萬里道草生在春時遠道還
 有期春至草不生期盡歎無聲感物懷思心夢
 想發中情夢君如鴛鴦比翼雲間翔既覺寂無
 見曠如參與商河洛自用固不如中岳安回流
 不及返浮雲往自還悲風動思心悠悠誰知者
 懸景無停車忽如馳駟馬傾耳懷音響轉目淚
 雙墮生存無會期要君黃泉下

合艷歌行有女篇

有女懷芬芳媿媿步東廂蛾眉分翠羽明目粲
 清揚丹唇翳皓齒秀色若珪璋巧笑露歡靨衆
 媚不可詳令儀希世出無乃古毛嬙頭安金步
 搖耳繫明月璫珠環約素腕翠羽垂鮮光文袍
 綴藻黼玉體映羅裳容華既已艷志節擬秋霜
 徽音冠青雲聲响流四方妙哉美媛德宜配侯
 與王靈應萬世合日月時相望媒氏陳束帛羔
 雁鳴前堂百兩盈中路起若鸞鳳翔凡夫徒踴

躍望絕殊參商

秋蘭篇

秋蘭蔭玉池池上清且芳芙蓉隨風發中有雙

鴛鴦雙魚自踴躍雙鳥自迴翔君期歷九秋與

妾同衣裳

明月篇

皎皎明月光灼灼朝日暉昔為春蠶絲今為秋

女衣丹唇列素齒翠彩發蛾眉嬌子多好言歡

合易為姿玉顏盛有時秀色隨年衰常恐新聞

舊變故興細微浮萍本無根非水將何依憂喜

更相接樂極還自悲

車遙遙篇

車遙遙兮馬洋洋追思君兮不可忘君安遊兮

西入秦願為影兮隨君身君在陰兮影不見君

依光兮妾所願

雜詩

志士惜日短愁人知夜長攝衣步前庭仰觀南

雁翔玄景隨形運流响歸空房清風何飄飄微

月出西方繁星依青天列宿自成行蟬鳴高樹
間野鳥號東廂織雲時髣髴渥露沾我裳良時
無停景北斗忽低昂常恐寒節至疑氣結為霜
落葉隨風摧一絕如流光

傳咸 字長虞玄之子也

贈何劭王濟

日月光太清列宿曜紫微赫赫大晉朝明明闢
皇闡吾兄既鳳翔王子亦龍飛雙鸞遊蘭渚二
離揚清暉携手升玉階金坐侍丹帷金縢綴惠

文煌煌發令姿斯榮非攸庶繾綣情所希豈不
企高蹤麟趾邈難追臨川靡芳餌何為守空坻
槁葉待風飄逝將與君違違君能無戀尸素當
言歸歸身蓬華廬樂道以忘飢進則無云補退
則恤其私但願隆弘美王度日清夷

棗據 字道彥穎川長社人

遊覽

矯足登雲閣相伴步九華徙倚憑高山仰攀桂
樹柯延首觀神州迴睛盼曲阿芳林挺脩榦一

歲再三花何以濟不朽噓吸漱朝霞重巖吐神
溜傾觴挹湧波恢恢大道間人事足爲多

雜詩

吳寇未殄滅亂象侵邊疆天子命上宰作藩于
漢陽開國建元士玉帛聘賢良予非荆山璞謬
登和氏場羊質服虎文燕翼假鳳翔旣懼非所
任怨彼南路長千里旣悠邈路次限關梁僕夫
罷遠涉車馬困山岡深谷下無底高巖暨穹蒼
豐草停滋潤霧露沾衣裳玄林結陰氣不風自

寒涼顧瞻情感切悽愴心哀傷士生則懸弧有
事在四方安得恒逍遙端坐守閨房引義割外
情內感寔難忘

劉伶

字伯倫
沛國人

北芒客舍詩

泱泱望舒隱黯黯玄夜陰寒雞思天曙擁翅吹
長音蚊蚋歸豐草枯葉散蕭林陳醴發悴顏色
歛暢真心緼被終不曉斯歎信難任何以除斯
歎付之與瑟琴長笛响中夕聞此消胸襟

陸機

字士衡
吳郡人

短歌行

置酒高堂悲歌臨觴人壽幾何逝如朝霜時無
重至華不再揚蘋以春暉蘭以秋芳來日苦短
去日苦長今我不樂蟋蟀在房樂以會典悲以
別章豈曰無感憂為子忘我酒既旨我肴既減
短歌有詠長夜無荒

日出東南隅行

扶桑升朝暉照此高臺端高臺多妖麗瀆房出

清顏淑貌耀皎日惠心清且閒美目揚玉澤蛾
眉象翠翰鮮膚一何潤秀色若可餐窈窕多儀
容婉媚巧笑言暮春春服成粲粲綺與紈金雀
垂藻翹瓊佩結瑤璠方駕揚清塵濯足洛水瀾
藹藹風雲會佳人一何繁南崖充羅幕北渚盈
軒軒清川含藻景高岍被華丹馥馥芳袖揮泠
泠纖指彈悲歌吐清响雅舞播幽蘭丹唇含九
秋妍迹陵七盤赴曲迅驚鴻蹈節如集鸞綺態
隨顏變沈姿無定源俯仰紛阿那顧步咸可歡

歷代詩選
可歎
遺芳結飛颺浮景映清湍冶容不足詠春遊良

長歌行

逝矣經天日悲哉帶地川寸陰無停晷尺波豈
徒旋年往信勁矢時來亮急弦遠期鮮克及盈
數固希全容華夙夜零體澤坐自捐茲物苟難
停吾壽安得延俛仰逝將過倏忽幾何間慷慨
亦焉訴天道良自然但恨功名薄竹帛無所宣
迨及歲未暮長歌乘我閒

從軍行

苦哉遠征人飄飄窮四遐南陟五嶺巔北戍長
城阿深谷邈無底崇山鬱嗟峨奮臂攀喬木振
迹涉流沙隆暑固已慘涼風嚴且苛夏條集鮮
藻寒冰結衝波胡馬如雲屯越旗亦星羅飛鋒
無絕影鳴鏑自相和朝食不免胄夕息常負戈
苦哉遠征人撫心悲如何

飲馬長城窟行

驅馬陟陰山山高馬不前往問山陰候勁虜在

歷代詩選 晉詩
燕然戎車無停軌旌旆屢徂遷仰憑積雪巖俯
涉堅冰川冬來秋未返去家邈以綿獫狁亮未
夷征人豈徒旋末德爭先鳴凶器無兩全師克
薄賞行軍沒微軀捐將遵甘陳迹收功單于旃
振旅勞歸士受爵藁街傳

門有車馬客行

門有車馬客駕言發故鄉念君久不歸濡跡涉
江湖投袂赴門塗攬衣不及裳拊膺携客泣掩
淚敘溫涼借問邦族間惻愴論籌二親友多零
落舊齒皆凋喪市朝忽遷易城闕或丘荒墳壟
日月多松柏鬱芒芒天道信崇替人生安得長
慷慨惟平生俛仰獨悲傷

梁甫吟

玉衡旣已驂羲和若飛凌四運循環轉寒暑自
相承冉冉年時暮迢迢天路徵招搖東北指大
火西南昇悲風無絕响玄雲互相仍豐水憑川
結零露彌天凝年命時相逝慶雲鮮克乘履信
多愆期思順焉足憑慷慨臨川响非此孰爲興

哀吟梁甫巔慷慨獨拊膺

班婕妤

婕妤去辭寵淹留終不見寄情在玉階託意惟
團扇春苔暗階除秋草蕪高殿黃昏履綦絕愁
來空雨面

駕言出北闕行

駕言出北闕躑躅遵山陵長松何鬱鬱丘墓互
相承念昔徂歿子悠悠不可勝安寢重冥廬天
壤莫能與人生何所促忽如朝露凝辛苦百年

間戚戚如履冰仁智亦何補遷化有明徵求仙
鮮克仙太虛不可凌良會罄美服對酒宴同聲

君子有所思行

命駕登北山延佇望城廓塵里一何盛街巷紛
漠漠甲第崇高闕洞房結阿閣曲池何湛湛清
川帶華薄邃宇列綺窗蘭室接羅幕淑貌色斯
升哀音承顏作人生誠行邁容華隨年落善哉
膏粱士營生奧且博宴安消靈根鳩毒不可格
無將肉食資取笑葵與藿

悲哉行

遊客芳春林春芳傷客心和風飛清響鮮雲垂
薄陰蕙草饒淑氣時鳥多好音翩翩鳴鳩羽啾
啾倉庚音幽蘭盈通谷長秀被高岑女蘿亦有
託蔓葛亦有尋傷哉客遊士憂思一何深目感
隨氣草耳悲詠時禽寤寐多遠念緬然若飛沈
願託歸風響寄言遺所欽

齊謳行

營丘負海曲沃野爽且平洪川控河濟崇山入

高冥東被姑尤側南界聊攝城海物錯萬類陸
產尚千名孟諸吞楚夢百二倅秦京惟師恢東
表柏后定周傾天道有迭代人道無久盈鄙哉
牛山歎未及至人情爽鳩苟已徂吾子安得停
行行將復去長存非所營
天末爲顧彥先贈婦

辭家遠行遊悠悠三千里京洛多風塵素衣化
爲縑脩身悼憂苦感念同懷子隆思亂心曲沈
歡滯不起歡沈難克興心亂誰爲理願假歸鴻

歷代詩選 晉詩 卷之三 其二
翼翻飛遊江汜

其二

東南有思婦長歎充幽闕借問歎何爲佳人眇
天末游宦久不歸山川阻且濶形影參商乖音
息曠不達離合非有常譬彼絃與箏願保金石
軀慰妾長飢渴

擬今日良宴會

閒夜命歡友置酒迎風館齊童梁甫吟秦娥張
女彈哀音繞棟宇遺響入雲漢四座咸同志羽

觴不可算高談一何綺蔚若朝霞爛人生無幾
何爲樂常苦宴譬彼伺晨烏揚聲當及旦曷爲
恒憂苦守此貧與賤

擬迢迢牽牛星

昭昭清漢輝粲粲光天步牽牛西北迴織女東
南顧華容一何冶揮手如振素怨彼河無梁悲
此年歲暮跂彼無良緣睨焉不得度引領望大
川雙滂如霑露

擬涉江采芙蓉

上山采瓊菜窮谷饒芳蘭采采不盈掬悠悠懷
所歡故鄉一何曠山川阻且難沈思鍾萬里躑
躑獨吟歎

擬青青河畔草

靡靡江籬草熠熠生河側皎皎彼姝女阿那當
軒織粲粲妖冶容灼灼美顏色良人遊不歸偏
棲獨隻翼空房來悲風中夜起歎息

擬明月何皎皎

安寢北堂上明月入我牖照之有餘輝攬之不

盈手涼風遶曲房寒蟬鳴高柳踟躕感節物我
行永已久游宦會無期離思難常守

擬庭中有奇樹

歡友蘭時往迢迢匿音徽虞淵引絕景四節逝
若飛芳草久已茂佳人竟不歸躑躅遵林渚惠
風入我懷感物戀所歡采之欲遺誰

招隱詩

明發心不夷振衣聊躑躅躑躅欲安之幽人在
深谷朝采南澗藻夕息西山足輕條象雲構密

歷代詩選
葉承翠幄激楚佇蘭林迴芳薄秀木山溜何洽
泠飛泉漱鳴玉哀音附靈波頽響赴層曲至樂
非有假安事澆淳樸富貴苟難圖稅駕從所欲
瓜人園葵
種葵北園中葵生鬱萋萋朝榮東北傾夕頽西
南晞零露垂鮮澤朗月耀其輝時逝柔風戢歲
暮商焱飛層雲無溫液嚴霜有凝威幸蒙高壩
德玄景蔭素蕤豐條金春盛落葉後秋衰慶彼
晚凋福忘此孤生悲

陸雲

字士龍少與
兄機齊名

贈汲郡太守

於穆皇晉豪彥寔蕃天罔振維有聖貞觀鳴鳥
在林良駿卽閑萃彼俊乂時亮庶官
抑抑奚生天篤其淳芳穎蘭揮瓊光玉振沈機
照物妙思考神思我善問觀德古人
善問伊何惠音孔韶肇允衡門翻飛宰朝肅雍
芳林芬響凌霄穆矣和風育爾清休
亦既有試出宰邦家之子于行民固謳歌風澄

俗儉化靜世波芒芒既庶且樂于和
我有好爵既成爾服入贊崇華遂登帷幄時文
聖宰天祚方穀朔風微止鴻漸雲嶽
悠悠斯民三代直道我非明德惟奚攸考緝熙
暉章天祿來保惠心無競豐化有造
樂只君子茂德攸綏嗟我懷人式是言歸聿言
來集如翼斯揮日予不惠照爾清暉
職思既殊亦各有司念我同僚悲爾異事之子
之遠悠悠我思雖無贈之歌以言志

贈顧彥先

玄黃挺秀誕受至真行該其尚德備其新光瑩
之偉隋下同珍騰都之駿龍鳳合塵

皇皇明哲應期繼聲華映殊域寔鎮天庭入輔
出輔乾乾靡寧夏竇涼臺我雨我暑冬違邦族
風霜是處嗟彼獨宿誰與晤語飄飄艱辛非禹
孰舉言念君子悵惟心楚

悠悠山川驍驍征遐陟升嶠巖降涉洪波言無
不利乘嶮而嘉人懷思慮我保其和

邂逅相遇良願乃從不逢知己誰濟予躬莫攀
莫附愧我高風時過年邁晡冉桑榆晞光賴潤
亦在斯須假我夷塗頓不念軀汜予津川桴不
失浮無愛餘暉遂暗東嶠

幽幽東嶠戀彼西歸瞻儀情感聆音心悲之子
于邁夙夜京畿王事多難仲焉徘徊

答顧秀才

芒芒上玄有物有則厥初造命立我藝則爰茲
族類有覺先識斯文未喪誕育明德

允矣顧生載靈之和沈根芳沼濯秀蘭波淵
戢穎景茂凌華惟是德心是用閑邪
德心伊何行歸于周希高仰峻企遠懷悠匪願
在明靡倦斯幽凡我同朋瞻言清休
慎終追遠俾民歸厚言若有行及予携手何以
恤我其仁孔有心之云愛隆敬其久

既邁斯仁亦迪茲文藻不雕樸華不變淳有斐
君子如珪如璠仰欽德顙依懷惠詮式揚好問
邦家于宣

失題

思樂芳林言采其菊衡薄遵塗中原有菽登彼
脩巒在林寤宿彷彿佳人清顏如玉
予美亡此誰爲適道容與俟之玄髮方皓躑躅
山阿玩此芳草願殮其頽庶以遺老
亶亶嘉時飄忽弃予有瞻逝深永歎潛泝登願
扶桑仰結飛晷伊人匪存遺芳孰與
精氣爲物或降或升徂落攸往神奇有登死生
爲徒存亡曷勝謂予不信遺籍有徵

閒居外物靜言樂幽繩樞增結甕牖綢繆和神
當春清節爲秋天地則爾戶庭已悠
嗟我懷人悠悠其潛念昔先烈有懷所欽駭情
玩世堂允南金瓊輝逸矣誰適爲心明發興言
慷慨芳林

詩
南山五首

南山酬至德也有退仕衡門脩道以養和弃
物以存神民思其治士懷其德或思置之列
位或思從之信宿詩人嘉與此賢當年相遇

又屢獲德音情歡心至故作是詩焉

陟彼南山言采其蕭樂只君子邦家之勳克茂
交猶輔德是收聊道以險廣愛以周嗟我懷人
子好千秋

矚彼江潭言釣其鱖有美碩人自公退處羔裘
逍遙輔德是舉白駒逐時世事孰與我思猗人
寘之晉序有客信信獨寤寐語

天高地卑玄黃網緼人道交泰自昔先民躬文
合好輔德與仁管叔罕僑曠世難隣脩組施結

玄弁生塵咨我與子邁會當身琴瑟在御永愛
纏綿

瞻彼江澳言詠其潭所謂伊人在水之陰養和
以泰樂道之潛衣錦尚綱至樂是耽興言永思
繫懷所欽愛而不見獨寤寐吟

詩以言志先民是經乃惠嘉訊德音惟馨欽詠
繁藻永結中情華文傷實世士所營達人神化
反之混冥交弃其數言取其誠思與哲人獨寶
其貞

潘岳 字安仁榮陽中牟人

金谷集作詩

王生和鼎實石子鎮海沂親友各言邁中心悵
有違何以敘離思携手遊郊畿朝發晉京陽夕
次金谷澹迴溪縈曲阻峻阪路威夷綠池汎淡
淡青柳何依依濫泉龍鱗瀾激波連珠揮前庭
樹沙棠後園植烏桺靈囿繁石榴茂林列芳藜
飲至臨華沼遷坐登隆坻玄醴染朱顏但慙杯
行遲揚桴撫靈鼓簫管清且悲春榮誰不慕歲

寒良獨希投分寄石友白首同所歸

河陽縣作

微身輕蟬翼弱冠忝嘉招在夜妨賢路再升上
宰朝猥荷公叔舉連陪廁王寮長歎歸東山擁
耒耨時苗幽谷茂織葛峻巖敷榮條落英隕林
趾飛莖秀陵喬卑高亦何常升降在一朝徒恨
良時泰小人道遂消譬如野田蓬幹流隨風飄
昔倦都邑遊今掌河朔徭登城眷南顧凱風揚
微緇洪流何浩蕩脩芒鬱岩嶢誰謂晉京遠室

歷代詩選 晉詩
通身寔遼誰謂邑宰輕令名患不劭人生天地
間百年孰能要頰如敲石火瞥若截道飈齊都
無遺聲桐鄉有餘謠福謙在純約害盈由矜驕
雖無君人德視民庶不忉

內顧詩

靜居懷所歡登城望四澤春草鬱青青桑柘何
奕奕芳林振朱榮淶水激素石初征冰未泮忽
焉衫絺綌漫漫三千里迢迢遠行客馳情戀朱
顏寸陰過盈尺夜愁極清晨朝悲終日夕山川

信悠永願言良弗獲引領訊歸期沈思不釋
獨悲安所慕人生若朝露綿邈寄絕域眷戀想
平素爾情既來追我心亦還顧形體隔不達精
爽交中路不見山下松隆冬不易故不見澗邊
栢歲寒守一度無謂希見疎在遠分彌固

晉詩 古卷之三
蒼涼悼云 亦初念式憂日盈赫無幾亦初
荏苒冬春謝寒暑忽流易之子歸窮泉重壤永
幽隔私懷誰克從淹留亦何益僂俛恭朝命廻
心返初役望廬思其人入室想所歷幃屏無髣

髣髴翰墨有餘跡流芳未及歆遺挂猶在壁悵恍
如或存周遑忡驚惕如彼翰林鳥雙棲一朝隻
如彼游川魚比日中路析春風緣隙來晨露承
簷滴寢息何時忘沈憂日盈積庶幾有時哀莊
在猶可擊

皎皎窗中月照我室南端清商應秋至溽暑隨
節闌凜凜涼風升始覺夏衾單豈曰無重纊誰
與同歲寒歲寒無與同朗月何朧朧展轉眄枕
席長篔簹空牀空委清塵室虛來悲風獨無

暑溽靈髣髴覩爾容撫衿長歎息不覺滂沾胸

漸胸安能已悲懷從中起寢興日存形遺音猶
在耳上慚東門吳下愧蒙莊子賦詩欲言志此
志難具紀命也可奈何長戚自令鄙

哀詩

摧如葉落樹邈若雨絕天雨絕有歸雲葉落何
時連山氣崑岡嶺長風鼓松柏堂虛聞鳥聲室
暗如日夕晝愁奄逮昏夜思忽終昔展轉獨悲
窮泣下沾枕席人居天地間飄若遠行客先後

詎能幾誰能弊金石

潘尼

字正叔少與從父岳俱以文章知名

答陸士衡

顧茲蓬蔚廁根蘭
陂膏澤雖均華不足披
逮春不茂未秋先萎
子濯鱗翼我挫羽儀
願言難常載合載離
昔遊禁闥祇畏夕惕
今放丘園縱心夷易
口詠新詩目玩文跡
予志耕圃爾勤王役
慚無琬琰以酬尺璧

席身三月三日洛水作

晷運無窮已時逝焉可追
斗酒足為歡臨川胡獨悲
暮春春服成百草敷英蕤
聊為三日遊方駕結龍旂
廊廟多豪傑都邑有艷姿
朱軒蔭蘭皋翠幕映洛湄
臨涯濯素手步水舉輕衣
沈鈞出比目舉弋落雙飛
羽觴乘波進素俎隨流歸
贈榮陽太守吳子仲
大晉盛得人儲宮畜髦士
吳侯降高質割符授千里
垂覆豈他鄉迴光臨桑梓
寮顛感岐路黎庶思知耻
老氏喻小鱗曹參寄獄士
無謂敝邑

陋覆篲由茲起

送盧景宣

楊朱焉所哭岐路重別離
屈原何傷悲生離情
獨哀知命雖無憂倉卒意
低迴歎氣從中發灑
淚隨襟頽九重不常鍵
閭闔有時開愧無貯衣
獻貽言取諸懷

迎大駕

南山鬱岑峯洛川迅且急
青松蔭脩嶺綠繁被
廣隰朝日順長途夕暮無
所集歸雲乘憶浮淒
風尋惟入道逢深識士舉
手對吾揖世故尚未
夷嶠函方險澀狐狸夾兩
轅豺狼當路立翔鳳
嬰籠檻騏驥見維繫俎豆
昔嘗聞軍旅素未習
且少停君駕徐待干戈戢

左思

字太冲
臨淄人

詠史

弱冠弄柔翰卓犖觀羣書
著論准過秦作賦擬
子虛邊城苦鳴鏑羽檄飛
京都雖非甲冑士疇
昔覽穰苴長嘯激清風志
若無東吳鉛刀貴一

歷代詩選
割夢想騁良圖左盼澄江湘右盼定羗胡功成
不受爵長揖歸田廬

鬱鬱澗底松離離山上苗以彼徑寸莖蔭此百
尺條世胄躡高位英俊沈下僚地勢使之然由
來非一朝金張藉舊業七葉珥漢貂馮公豈不
偉白首不見招

吾希段干木偃息藩魏君吾慕魯仲連談笑却
秦軍當世貴不羈遭難能解紛功成耻受爵高
節卓不羣臨組不肯縲對珪璫肯分連璽曜前

庭比之猶浮雲

濟濟京城內赫赫王侯居冠蓋蔭四術朱輪竟
長衢朝集金張館暮宿許史廬南隣擊鐘磬北
里吹笙竽寂寂揚子宅門無卿相輿寥寥空宇
中所講在玄虛言論準宣尼辭賦擬相如悠悠
百世後英名擅八區
皓天舒白日靈景耀神州列宅紫宮裏飛宇若
雲浮峨峨高門內藹藹皆王侯自非攀龍客何
爲歛來遊被褐出閭闔高步追許由振衣千仞

岡濯足萬里流
 荆軻飲燕市酒酣氣益震哀歌和漸離調若旁
 無人雖無壯士節與世亦殊倫高眇邈四海豪
 宕何足陳貴者雖自貴視之若埃塵賤者雖自
 賤重之若干鈞
 主父宦不達骨肉還相薄買臣困採樵伉儷不
 安宅陳平無產業歸來鬻負郭長卿還成都壁
 立何寥廓四賢豈不偉遺烈光篇籍當其未遇
 時憂在填溝壑英雄有迤邐由來自古昔何世

無竒才遺之在草澤

習習籠中鳥舉翮觸四隅落落窮巷士抱影守
 空廬出門無通路枳棘塞中途計策弃不收塊
 若枯池魚外望無寸祿內顧無斗儲親戚還相
 蔑朋友日夜疎蘇秦北游說李斯西上書俛仰
 生榮華咄嗟復彫枯飲河期滿腹貴足不願餘
 巢林棲一枝可為達士模

招隱

策杖招隱士荒塗橫古今巖穴無結構丘中有

歷代詩選
晉詩
鳴琴白雲停陰岡丹葩曜陽林石泉漱瓊瑤纖
鱗或浮沈非必絲與竹山水有清音何事待嘯
歌灌木自悲吟秋菊兼餽糧幽蘭間重襟躊躇
足力煩聊欲投吾簪
經始東山廬果下自成榛前有寒泉井聊可瑩
心神岫積青葱間竹栢得其真弱枝棲霜雪飛
榮流餘津爵服無常玩好惡有屈伸結綬生纏
牽彈冠去埃塵惠連非吾屈首陽非吾仁相與
觀所尚逍遙撰良辰

雜詩

秋風何冽冽白露爲朝霜柔條旦夕勁綠葉日
夜黃明月出雲崖皦皦流素光披軒臨前庭嗷
嗷晨鳥翔高志局四海塊然守空堂壯齒不恒
居歲暮常慷慨

張翰

字季鷹
吳郡人

雜詩

暮春和氣應白日照園林青條若總翠黃華如
散金嘉卉亮有觀顧此難久耽延頸無良塗頓

足託幽深榮與壯俱去賤與老相尋歡樂不照
顏慘愴祭謳吟謳吟何嗟及古人可慰心

張載

字孟陽
安平人

贈虞顯度

疇昔協蘭芳繾綣在華年嘉好結平素分著寮
友前謂得終遐日綢繆永周旋吾子遭不造邁
閔丁憂艱俾我失良朋誰與吐話言一日爲三
秋歲况乃三年離居一何濶結思如迴川

招隱詩

出處雖殊途居然匪輕易山林有悔愆人間實
多累鷓鴣翔窮冥蒲且不能視鸛鷺遵臯渚數
爲棺所繫隱顯雖在心彼我共一地不見巫山
火芝艾豈相離去來捐時俗超然辭世僞得意
在丘中安事愚與智

七哀

秋風吐商氣蕭瑟掃前林陽鳥收和響寒蟬無
餘音白露中夜結木葉柯條森朱光馳北陸浮
景忽西沈顧望無所見惟覩松栢陰蕭蕭高桐

歷代詩選 晉詩
枝翩翩棲孤禽仰聽離鴻鳴俯聞蜻蛚吟哀人
易感傷觸物增悲心丘隴日已遠纏綿彌思深
憂來令髮白誰云愁可任裘裏向長風淚下沾
衣襟

張協

字景陽與
兄載齊名

詠史

昔在西京時朝野多歡娛藹藹東都門羣公祖
二疎朱軒曜金城供帳臨長衢達人知止足遺
榮忽如無抽簪解朝衣散髮歸海隅行人爲隕

涕賢哉此大夫揮金樂當年歲暮不留儲顧謂
四座賓多財爲累愚清風激萬代名與天壤俱
唯此蟬冕客君紳宜見書

雜詩

秋夜涼風起清氣蕩暄濁蜻蛚吟階下飛蛾拂
明燭君子從遠征佳人守乳獨離居幾何時鑽
燧忽改木房櫳無行迹庭草萋以綠青苔依空
墻蜘蛛網四屋感物多所懷沈憂結心曲
大火流坤維白日馳西陸浮陽映翠林迴飈扇

歷代詩選 卷之三
三三
綠竹飛雨灑朝蘭輕露棲叢菊龍蟄暄氣凝天
高萬物肅弱條不重結芳蕤豈再馥人生瀛海
內忽如鳥過目川上之歎逝前脩以自勗
金風扇素節丹霞啓陰期騰雲似湧煙密雨如
散絲寒花發黃采秋草含綠滋閒居翫萬物離
羣戀所思案無蕭氏牘庭無貢公棊高尚遺王
侯道積自成基至人不嬰物餘風足染時

朝霞迎白日丹氣臨腸谷翳翳結繁雲森森散
雨足輕風摧勁草凝霜竦高木密葉日夜疎叢

林森如束疇昔歎時遲晚節悲年促歲暮懷百
憂將從季主卜

述職投邊城羈束戎旅間下車如昨日望舒四
五圓借問此何時胡蝶飛南園流波戀舊浦行
雲思故山閩越衣文虵胡馬願度燕風土安所
習由來有固然

結宇窮岡曲耦耕幽藪陰荒庭寂以閒幽岫峭
且深淒風起東谷有滄興南岑雖無箕畢期虜
寸自成霖澤雉登壘雉寒猿擁條吟溪壑無人

跡荒楚鬱蕭森投耒循畝垂時聞樵採音重基
可擬志廻淵可比心養真尚無爲道勝貴陸沈
遊思竹素園寄辭翰墨林

王讚

字正長
義陽人

雜詩

朔風動秋草邊馬有歸心胡寧久分析靡靡忽
至今王事離我志殊隔過商參昔往鷓鴣鳴今
來蟋蟀吟人情懷舊鄉客鳥思故林師涓久不
奏誰能宣我心

孫楚

字子荆大
原中都人

征西官屬送于陟陽候作詩

晨風飄岐路零雨被秋草傾城遠追送餞我千
里道三命皆有極咄嗟安可保莫大于殤子彭
聃猶爲天吉凶如糾纏憂喜相紛繞天地爲我
鑑萬物一何小達人垂大觀誠此苦不俾乖離
卽長衢惆悵盈懷抱孰能察其心鑒之以蒼昊
齊契在今朝守之與偕老

石崇

字季倫
渤海人

王明君辭

王明君者本是王昭君以觸文帝諱改之匈奴盛請婚于漢元帝以後宮良家子昭君配馬昔公主嫁烏孫令琵琶馬上作樂以慰其道路之思其送昭君亦必爾也其造新曲多哀怨之聲故敘之于紙云耳
我本漢家子將適單于庭辭訣未及終前驅已抗旌僕御涕流離轅馬悲且鳴哀鬱傷五內泣淚沾朱纓行行日已遠遂造匈奴城延我于穹

廬加我闕氏名殊顛非所安雖貴非所榮父子見凌辱對之慚且驚殺身良不易默默以苟生苟生亦何聊積思常憤盈願假飛鴻翼乘之以遐征飛鴻不我顧佇立以屏營昔為匣中玉今為糞上英朝華不足歡甘與秋草并傳語後世人遠嫁難為情

思歸引

思歸引歸河陽假予翼鴻鶴高飛翔經芒阜濟河梁整我舊館心悅康清渠激魚榜惶雁驚沂

歷代詩選
曹詩
波羣相將終日周覽樂無方登雲閣列姬姜拊
絲竹叩宮商宴華池酌玉觴

翔風

季倫愛婢

怨詩

春華誰不美卒傷秋落時
突煙還自低鄙退豈
所期桂芳徒自蠹失愛在蛾眉
坐見芳時歇憔悴空自嗤

曹摅

字顯遠
譙國人

思友人

密雲翳陽景霖潦淹庭除嚴霜彫翠草寒風振
纖枯凜凜天氣清落落卉木疎感時歌蟋蟀思
賢詠白駒情隨玄陰滯心與迴飈俱思心何所
懷懷我歐陽子精義測玄奧清機發妙理自我
別旬朔微言絕于耳褰裳不足難清揚未可俟
延首出階檐佇立增想似

感舊

富貴他人合貧賤親戚離廉蔭明易軌田實相
奪移晨風集茂林棲鳥去枯枝今我惟困蒙羣

歷代詩選 晉詩
士所肯馳鄉人敦懿義濟濟蔭光儀對賓頌有
客舉觴詠露斯臨樂何所歎素絲與路岐

棗腆 字玄方

贈石季倫

深蒙君子眷雅顧出羣俗受寶取諸懷所贈非
珠玉凡我二三子執手携玉腕嘉言從所好企
予結雲漢望風整輕翮因虛舉雙翰朝遊清渠
側日夕登高館翕如翔雲會忽若驚風散分給
懷析離對樂增累歎

郭泰機

答傅咸

皦皦白素絲織爲寒女衣寒女雖妙巧不得乘
杼機天寒知運速况復雁南飛衣工秉刀尺弃
我忽若遺人不取諸身世事焉所希况復已朝
餐曷由知我飢

劉琨

字越石
中山人

朝發廣莫門暮宿丹水山左手彎繁弱右手揮
龍淵顧瞻望宮闕俯仰御飛軒據鞍長歎息淚

歷代詩選 卷之三
下如流泉繫馬長松下
餐鞍高岳頭烈烈悲風
起泠泠澗水流揮手長相謝
哽咽不能言浮雲
爲我結歸鳥爲我旋去家
日已遠安知存與亡
慷慨窮林中抱膝獨摧藏
麋鹿遊我前猿猴戲
我側資糧旣乏盡薇蕨
安可食攬轡命徒侶吟
歎絕巖中君子道微矣
夫子故有窮惟昔李騫
期寄在匈奴庭忠信反
獲罪漢武不見明我欲
竟此曲此曲悲且長
弃置勿重陳重陳我心傷

胡姬年十五

虹梁照曉日淥水泛香蓮
如何十五少含笑當
壚前花將面自許人
共影相憐回頭堪百
萬價重爲時年

郭璞

字景純河東聞喜人

遊仙詩

京華游俠窟山林隱遯棲
朱門何足榮未若託
蓬萊臨源挹清波陵岡
掇丹萸靈谿可潛盤安
事登雲梯漆園有傲吏
萊氏有逸妻進則保龍
見退則觸籓抵高路風塵
外長揖謝夷齊

青溪千餘仞中有一道士雲生梁棟間風出窗
戶裏借問此阿誰云是鬼谷子翹迹企頴陽臨
河思洗耳闔闔西南來潛波渙鱗起靈妃顧我
笑粲然啓玉齒寒脩時不存要之將誰使
翡翠戲蘭苕容色更相鮮綠蘿結高林蒙籠蓋
一山中有冥寂士靜歎撫清絃放情凌霄外嚼
藥挹飛泉赤松臨上遊駕鴻乘紫煙左挹浮丘
袖右拍洪崖肩借問蜉蝣輩寧知龜鶴年
逸翮思拂霄迅足羨遠遊清源無增瀾安得邁

吞舟珪璋雖特達明月難闇投潛穎怨清陽陵
茗哀素秋悲來惻丹心零淚緣纓流

王鑒

字茂高
堂邑人

七夕觀織女

牽牛悲殊館織女悼離家一稔期一宵此期良
可嘉赫奕玄門開飛閣鬱嵒峩隱隱驅千乘闐
闐越星河六龍奮瑤轡文螭負瓊車火丹秉瑰
燭素女執瓊華絳旗若吐電朱蓋如振霞雲韶
何嘈噉靈鼓鳴相和停軒佇高眄眷予在岌峩

澤因芳露沾恩附蘭風加明發相從遊翩翩鸞
鴛羅同遊不同觀念子憂然多敬因三祝未以

爾屬皇娥

江適

字道載陳留圍人

詠秋

祝融解炎轡葶收起涼駕高風催節變凝露督
物化長林悲素秋茂草思朱夏鳴雁薄雲嶺蟋
蟀吟深榭寒蟬向夕號驚飈激中夜感物增人
懷悽然無欣暇

李充

字弘度江夏人

嘲友人

同好齊歡愛纏綿一何深子既識我情我亦知
子心燕婉歷年歲和樂如瑟琴良辰不我俱中
澗似商參爾隔北山陽我分南川陰嘉會罔克
從積思安可任目想妍麗姿耳存清嬌音脩晝
興永念遙夜獨悲吟逝將尋行役言別泣沾巾
願爾降玉趾一顧重千金

庾闡

字仲初穎川人

三月三日

心結湘川渚目散冲霄外
清泉吐翠流淥醺漂
素瀨悠想盼長川輕瀾渺如帶
觀石鼓
命駕觀奇逸徑騫造靈山
朝濟清溪岍夕憇五
龍泉鳴石含潛響雷駭震九天
妙化非不有莫
知神自然翔霄拂翠嶺綠澗
漱巖間手澡春泉
潔目翫陽葩鮮

衡山

其眺衡山首南睨五嶺
來寂坐挹虛恬運目情
四豁翔虬凌九霄陸鱗困濡沫
未體江湖悠安
識南溟濶

採藥

採藥靈山嶮結駕登九嶷
懸嵯溜石髓芳谷吐
丹芝泠泠雲珠落漼漼石蜜滋
鮮景染冰顏妙
氣翼冥期霞光煥藿靡虹景照
參差椿壽自有
極槿花何用疑

曹毗

字輔佐
譙國人

詠史

軒轅應玄期，幼能總百神。體鍊五靈妙，氣含雲
露津。慘石曾城岫，鑄鼎荆山濱。豁然天扉開，飄
然跨騰鱗。儀轡灑長風，寒裳躡紫宸。

詠冬

綵邈冬夕永，凜厲寒氣升。離葉向晨落，長風振
條興。夜靜輕響起，天清月輝澄。寒冰盈渠結，素
霜竟欄凝。今載忽已暮，來紀奄復仍。

夜聽搗衣

寒興御紈素，佳人理衣衾。冬夜清且永，皓月照
堂陰。纖手疊輕素，朗杵叩鳴砧。清風流繁節，迴
飈灑微吟。嗟此嘉運速，倬彼幽滯心。二物感予
懷，豈但聲與音。

許詢

字玄度
高陽人

竹扇

良工眇芳林，妙思觸物騁。篋疑秋蟬翼，團取望
舒景。

袁山松

陳郡夏陽人
喬之孫也

菊

靈菊植幽崖擢穎陵寒飈春露不染色秋霜不

改條

蘭亭集詩

并序

右將軍王羲之二首

字逸少瑯琊臨沂人

永和九年歲在癸丑暮春之初會于會稽山陰之蘭亭脩禊事也羣賢畢至少長咸集此地有崇山峻嶺茂林脩竹又有清流激湍映帶左右引以為流觴曲水列坐其次雖無絲

竹管絃之盛一觴一詠亦足以暢敘幽情是

日也天朗氣清惠風和暢仰觀宇宙之大俯

察品類之盛所以遊目騁懷足以極視聽之

娛信可樂也夫人之相與俯仰一世或取諸

懷抱悟言一室之內或因寄所託放浪形骸

之外雖趨舍萬殊靜躁不同當其欣于所遇

暫得于已快然自足不知老之將至及其所

之既倦情隨事遷感慨係之矣所欣所

仰之間以為陳迹猶不能不以之興懷况脩

短隨化終期于盡古人云死生亦大矣豈不
痛哉每攬昔人興感之由若合一契未嘗不
臨文嗟悼不能喻之于懷固知一死生爲虛
誕齊彭殤爲妄作後之視今亦由今之視昔
悲夫故列敘時人錄其所述雖世殊事異所
以興懷其致一也後之攬者亦將有感于斯
文

代謝鱗次忽焉以周欣此暮春和氣載柔詠彼
舞雩異世同流迺携齊契敬懷一丘
仰視碧天際俯瞰淥水濱寥閒無涯觀寓目理
自陳大矣造化工萬殊莫不均羣籟雖參差適
我無非親

瑯琊王友謝安二首

字安石

伊昔先子有懷春遊契茲言執寄傲林丘森森
連領茫茫原疇迴霄垂霧凝泉散流
相與欣佳節率爾同褰裳薄雲羅景物微風翼
輕航醇醪陶丹府兀若遊羲康萬殊混一理安
復覺彭殤

左司馬孫綽二首

字興公

春詠登臺亦有臨
流懷彼伐木宿
此良儔脩竹
蔭沼旋瀨縈丘
穿池激湍連濫
觴舟
流風拂枉渚
停雲蔭九臯
鶯語吟脩竹
游鱗戲
瀾濤携筆落雲
藻微言剖纖毫
時珍豈不甘
忘
味在聞韶

陳郡袁嶠之二首

嶠字彥陽夏人

人亦有言得意則歡
佳賓乘臻相與遊
盤微音
迭詠馥焉若蘭
苟齊一致遐想揭竿

四眺華林茂俯仰晴川
渙激水流芳醪豁爾累
心散遐想逸民軌遺音
良可玩古人詠舞雩今
也同斯歎

石倉十二代詩選

古卷之三 終

十二月九日

古詩之三

沈風掃水... 清海揚... 宋在開部

出同棋燻

心端致... 四州華林... 與燻水... 精戰事今

卷之四